

DE DOMINO ORBIS

cundo, deinde accipe significationes à statu eius in radice, & in eodem secundo anno, iudicabis ab eo statum substantiae, & rerum similium, sicut facis à domino secundæ domus.

Dominum horæ tertiae nativitatis dabis tertiae domui anno tertio, accipiesq; significationes eius à statu eius, in ambabus figuris, & iudica ab eo statum fratum, & sororum, & affinia his, sicut facis à domino tertiae domus.

Dominum quartæ horæ radicis dabis quartæ domui anno quarto nativitatis, & accipe significationes à statu eius, in ambabus figuris, & iudicabis ab eo statum parentum, & res alias de significato quartæ domus. Et sic facias per ordinem horarum, dando dominum horæ cuilibet domui ex dominibus radicis, & uni anno, donec tibi cadet dominus duodecimæ horæ ad duodecimam domum radicis, & ad duodecimum annum nativitatis.

Et huic domino horæ dantur duo nomina, unum speciale, & alterum generale, Speciale, est quod nominatur secundum nomen domus sibi conuenientis in significatione, ita quod dominus primæ horæ, nominatur dominus horæ ascendētis, & dominus secundæ, nominatur dominus horæ domus substantiae, & dominus tertiae horæ nominatur dominus horæ domus fratum, & ille quartæ nominatur dominus horæ, domus patrum. Et ita nominantur omnes secundum significationes domorum. Nomen vero generale est dominus orbis, id est dominus circuli. Et accipitur significatio à domino cuiuslibet horæ in radice, & reuolutione boni, uel mali, sicut facis à domino anni.

Postmodum si dominus horæ primæ, & dominus ascendentis fuerit in radice in bono statu, significat salutem, & saluationem corporis in primo anno nativitatis. Et si fuerit in malo statu, dolores, & infirmitates significat illo anno.

Et si dominus horæ secundæ, & dominus horæ substantiae fuerint in bono statu, in radice, & reuolutione anni secundi, significat prosperitatem, & bonum statum in substantia. Et si in malo statu fuerit, damnum in ea portendit.

Et si dominus horæ secundæ, & dominus horæ domus fratum fuerint in ambobus temporibus in bono statu, significat prosperitatē, & bonum statum fratru, & augmentum eorum, si signū fuerit masculinum, erit hoc uerū in masculis, si fœmininū, in fœminis. Et si fuerint infortunati, significant eis destructionem & interitum. Et si dominus horæ domus patrum infortunatus fuerit in signo masculino, patri significat malum statum, & si in fœminino, matri. Et hoc modo aspicias in dominis horarum aliarum domorum, & secundum hanc regulam iudicabis de omnibus.

Quando inuenieris in aliqua reuolutione annorum dominum horæ ascendentis radicis, & dominum horæ Medij cœli radicis in bono, & fortunato statu, significat bonum statum illo anno, & habebit bona facta, & profectuosa, cum dominio, & lucro. Similiter quando inuenieris signum applicationis, & dominos horarum illarum in bono statu, bonum, & prosperitatem iudica nato illo anno. Et quando illos inuenieris in malo statu, contrarium iudica.

C A P V T V N D E C I M V M.

Quomodo in genere iudicandum sit ex positu stellarum in mundo & themate reuolutionis tempore,
de ijs quæ nato eo anno euentura sint.

Genera-